

欽定四庫全書

普濟方卷二百五十三 明 周王朱橚 撰

諸毒門

蠱毒下血 附論

蠱能變化毒害人有事之以毒害多為飲食內行之人中之者心腹懊痛煩毒不可忍食人五臟下瘀血黑如爛鷄肝○又云凡卒患血痢或赤或黑無有多少此皆是蠱毒粗醫以斷痢藥處之此大非也

欽定四庫全書

普濟方

方

躑躅散 治蠱毒腹痛注下赤血

羊躑躅 乾薑 藜蘆 熬 附子 炮 雄黃 研 巴豆 去心

熬 野葛皮 肉桂 丹砂 蜈蚣 炙各一兩

右搗為散水一兩盞不知加一粟米忌猪肉蘆笋生

血物生葱狸肉

茜根湯 治中蠱下血如呻肝腹中疔痛急者

茜根 升麻 犀角 鎊 各一兩 地榆 桔梗 剉炒 白



蘘荷根 <small>二兩</small> 藥皮 <small>剉</small> 黃芩 <small>去黑心 各五錢</small>	右粗篩每服五錢以水半盞煎七分去滓不拘時服
治中蠱下血日數十行者方	
巴豆 <small>十二枚</small> 芫青 藜蘆 附子 礬石 <small>各二分</small>	右為末別治巴豆合篩和相得以錦裹藥如大豆許
內下部中日三瘥	
槲皮散 治蠱毒下血爛肉片心腹疔痛如有物齧不即治食人五臟乃死	
欽定四庫全書	普濟方
槲皮 <small>避陰 白皮 桃根 白皮 並細剉</small> 蝟皮灰 亂頭髮 <small>各一兩</small> 大麻子汁 <small>五升</small>	右先以水五盞煮槲皮桃根皮取濃汁二盞和麻子汁每服煖汁一盞調頭髮灰蝟皮灰二錢服令患人少食旦服須臾用水一盞用鷄翎引吐於中如牛涎諸蠱並出
治蠱下血欲死方	
薔薇根 <small>剉一升</small> 牛膝 <small>味五</small> 連翹子 <small>一升</small> 蠟子 <small>一彈</small>	



右切以水四升煮三升分三服不計時
治蠱吐下血方

檉皮 廣五寸
長七尺 蘆荻根 五寸如足指大
一方用薔薇根

右咬咀以水二升煮取一升頓服即下蠱一方以水
酒共煎服亦得

治中蠱毒下血肝

蓖麻 一粒
去皮 朴硝 一錢

右研細末作一服新汲水調下連作二三服效

欽定四庫全書

普濟方

桔梗散 治卒中蠱毒下血如鷄肝晝夜不止臟腑悉
損者用

桔梗 去蘆
頭 伏龍肝 各等
分

右搗羅為散每服以溫酒下二錢每日三服不能下
藥幹開口灌之心中自定服七日止食諸臃腫補之
物一方單用桔梗搗屑酒服一方搗汁服並瘥

地榆散 治蠱毒下血或腹痛或不痛百治不效日夜
加煩渴



臭椿根

東引根白皮
蜜炙焙乾

地榆

各五錢

右為細末熱米飲調下一錢

牛膝酒

出千金方

治腸蠱先下赤後下黃白沫連年不瘥

用牛膝一兩搥散切以淳清酒一升漬一宿平旦空

腹服之再服便愈

鼓皮散

出直指方

治蠱毒下血如鷄肝晝夜不絕臟腑敗

壞待死而已者

用鼓皮五寸薔薇五寸酒水煎服

欽定四庫全書

普濟方

蝟皮散

出聖惠方

治蠱毒下血

用蝟一枚炒為灰細研以熟水調下二錢日三服

苦瓠湯

出聖惠方

治蠱毒吐血或下血如爛肝

用苦瓠一枚切以水二大盞煎去滓以取一盞空腹

溫服二服吐下蠱即愈范注方云苦瓠毒當臨時量

之肘後方云用苦酒一升煮令溫服之神驗一名苦

瓠蘆

治中蠱毒瀉血日夜無度腹痛不可忍者

出肘後方



取皂角三箇炙去皮子打碎醃醋四升入瓷器中日
中午時漬又以新白布三尺蓋上布上刀裂一橫口
正對病人眠牀下安之明日午時藥用布濾去分三
服如人行十里再服若不肯服可針兩手大指端甲
亦不勞深勿取針當自服或吐或痢去根先取白蘘
荷葉四五枚放病人床席下勿令病人知若中毒則
不眠其上矣一方治蠱毒以漬酒一宿去滓頓服並
瘥

欽定四庫全書

普濟方

治蠱毒暴下血

以筋子根酒飲磨服

療卒中蠱下血如鷄肝者或晝夜出血石餘四臟皆壞
惟心未毀或鼻破待死者

以桔梗搗屑酒服方寸日三服不能下藥以物挖口
開灌之心中當須臾自定服七日止當猪肝臙以補
之神良

療中蠱毒下血如鷄肝或晝夜不絕臟腑敗壞待死知



蠱姓名方

取敗鼓皮燒灰作末酒服方寸下須臾自當吐蠱主
姓名令蠱主呼取蠱姓名即瘥聖惠方亦治小兒蠱
毒一方作飲服

治蠱毒血痢

方見中蠱
下血類

治蠱毒下血如鷄肝或出血石餘四臟虛惟心未毀或
鼻破待死

取馬藺根末水服七寸下隨吐出極神效苗似葛蔓

欽定四庫全書

普濟方

緣子生子如橘子

治蠱毒溪惡刺虎狼蠱虺等毒

乾犀根

味辛平生嬰婆洪饒間苗
高二三尺獨莖根如細辛

千金藤

味苦平
生北地

主商土者根大如
脂黑色亦如細辛

右二味不拘多少煮汁服之若研服又良

蠱毒吐血

附論

夫病源云蠱是合聚虫之類以器皿盛之任其相噉食
僅一存者名為蠱能害人食人腑臟其狀心切痛如被



嚙或靨面目青黃病變無常是先傷於膈上則吐血也
不治之食臟腑盡則死矣

方

太上五蠱丸 一名雄黃丸
出千金方 治百蠱吐血傷中心腹結

氣壅塞咽喉語聲不出短氣欲死飲食不下吐逆上
氣去來無常狀如鬼祟身體浮腫心悶煩痛寒戰夢
與鬼交狐狸作魅卒得心痛又胸脇痛如刀刺經年
累歲着牀不起悉主治之

欽定四庫全書

普濟方

雄黃 椒目 巴豆 莽草 芫花 真珠 外臺
用木

香 鬼白 礬石 藜蘆 各四
分 附子 五
分 獺肝 一
分 蜈蚣

二
枚 斑猫 三十
粒

右藥為末煉蜜和更搗二千杵丸如小豆先食飲服
一丸密封勿泄藥氣十丸為劑如不中病後日增一
丸以下痢為度當下蠱種種狀貌不可具述下後每
日將息服一劑三十年百病盡除忌食五辛一方無
真珠巴豆有木香空心粥飲下亦以痢為度



<p>治中蠱吐血方<small>出肘後方</small>以及下血</p>	<p>羚羊皮<small>方三寸得敗</small>苦參<small>三兩</small>藜蘆<small>三兩</small>黃連<small>二兩</small>當歸<small>二兩</small></p>	<p>右呔咀以水七升煎取二升分三服忌猪肉冷水一方加犀角升麻各三兩無藜蘆根用茜根四兩代之</p>	<p>雄黃散<small>出聖惠方</small>治中蠱吐血</p>	<p>雄黃<small>研一分</small>伏龍肝<small>研五錢</small>獺肝<small>如棗大</small>斑猫<small>去翅足糯米炒十四粒</small></p>	<p>欽定四庫全書 普濟方</p>	<p>右搗羅為散每服二錢空心服以酪漿調下或吐蝦蟆及蛇等出為驗</p>	<p>藜蘆根湯<small>出聖惠方</small>治中蠱毒吐血</p>	<p>藜蘆根 苦參<small>各一兩</small>敗鼓皮<small>燒存性三分</small></p>	<p>右粗搗篩分為四服每以水一盞煎七分去滓不計時服</p>	<p>治中蠱吐血<small>出肘後方</small></p>	<p>雄黃<small>研</small>丹砂 藜蘆<small>各一兩</small></p>
--------------------------------------	--	---	------------------------------------	--	-----------------------	------------------------------------	--------------------------------------	--	-------------------------------	---------------------------------	--



右搗篩為散旦以井花水服刀圭當吐盡毒忌生物
血狸肉一方無雄黃

茜根湯 出千金方 治盡毒吐或下血如爛肝亦治肺疾

茜根 藜荷根 各半斤

右細剉以水五盞煎至三盞半去滓空腹分溫三服

即愈又自當呼盡主姓名茜根草即染絳草也

獨效散 出千金方 治諸熱毒或盡毒鼻中及口中出血方

取人屎七枚燒作火色置水中研之頓服即愈亦解

欽定四庫全書

普濟方

百毒時氣熱病之毒服訖溫覆取汗為度

麥麵散 出聖惠方 治中毒吐血

用小麥麵二合分為三服以冷水調服半日服盡盡

下即瘥

桔梗汁 出聖惠方 治中盡吐血及下血如鷄肝晝夜不絕

臟腑敗壞

用生桔梗不拘多少搗取汁每服一小盞日三服

治食着諸毒肉吐下血不止痿黃方



取淨胡妥子一升煮食使破取汁停冷服半升一旦
夜二服即止

治中蠱心痛吐血欲死方

出附
後方

用塩一升醇苦酒一升煮令和一盡服立吐即愈

治中蠱毒或吐下血如爛肝

用蚯蚓十四條以苦酒三升漬之蚓死但服其汁已
死者皆可活

治中蠱毒吐血或下血皆如爛肝者

欽定四庫全書

普濟方

用蠶實日乾搗為細末每服方寸以水調下隨吐效
又方

用蠟皮燒存性為末水服方寸下當吐蠱毒

中水毒 附論

夫中水毒其名有三中溪中灑中水其狀惡寒頭痛目
疼心煩懊悶四肢振掀腰背骨節皆強或熿發熱神昏
喜睡朝輕暮劇手足指冷二三日則虫生下部生瘡不
痒不痛人罕自覺若不即治則便膿虫毒上食五臟熱



<p>盛煩毒注下不禁八九日死若手足指冷至一寸為微至肘膝為劇然治水毒有陰有陽其瘡正赤如截肉者陽毒也其脉緩大而數其瘡如鯉魚齒者陰毒也其脉沉細而遲陽毒雖急而易治治宜發汗陰毒雖緩而難治尤不可忽凡水毒惟高山及山峽溪源繚繞處多有之何者山高水冷日中始得陽氣故得陰氣常積而水有毒亦猶廣南山高地下氣不疏通故鬱而為瘴水毒為多陰瘴氣為多陽多陽則熱結於中多陰則指節逆</p>	<p>欽定四庫全書 普濟方</p>	<p>冷二者為病大體與傷寒相類欲辨水毒即以熱湯數斟蒜四升搗碎內湯滓洗浴若身體發赤斑者是水毒也此症劇則為洞痢及齒間出血心腹煩滿下血如爛肝不食而狂皆為熱毒變化而成也土人辟卻之法畧與射工相似</p>	<p>方</p>	<p>升麻湯 治中毒寒熱</p>	<p>升麻 三兩 龍腦 萎蕤 大青 各一兩</p>
---	-----------------------	--	----------	------------------	-------------------------------



右粗搗篩每服五錢以水一鍾半煎至八分去滓温服未瘥頓服

葱白湯 治中水毒溪毒如傷寒狀

葱白 一握切 豉 半升 葛根 二兩 升麻 三分

右剉如麻豆大每服四錢以水二鍾煎至一鍾去滓温服移時又服

烏梅湯 治中水毒手足指俱冷

用烏梅三兩去核熬搗碎每服三錢以水一盞煎七

欽定四庫全書

普濟方

分去滓不拘時候頓服之

五加皮散

出聖惠方

治中水毒溪毒寒熱如傷寒狀

用五加皮三兩洗切搗羅為散每服一錢以酒一盞調下日三夜一粥飲調下亦得一方以五加根燒研

為末水調服

牡丹散 治中水毒溪毒下部虫蝕生瘡

用牡丹皮二兩搗羅為散每服二錢以酒一盞調下

日三服



葛藤洗方 治中水毒溪毒下部虫蝕生瘡
用葛藤不拘多少以水煮取濃汁洗下部并導灌入
下部良
治中水毒
搗藍青汁以少水和傅頭面身上令匝
治中水毒手足指冷即是或至膝肘
以浮萍日乾為末每服三四錢以酒服又云中水病
手足指冷即是若暖非其冷或一寸極或竟指未過
欽定四庫全書
普濟方
時一寸淺至於肘膝為劇
治中水毒
用藜葉一把熟搗杵以酒一盞攪服之不過三服愈
治溪毒
以馬齒莧絞汁一升以滓傅瘡上佳日四五遍
<small>葛氏方治</small>
<small>射工毒</small>
治水毒中人一名中溪一名中濕一名水病似射工而
無物



又方	搗蒼耳取汁一大盞分二服
又方	以烏蒜一枚爛搗酒半盞和服瘡一名烏葑山中甚多
又方	搗七姑草塗腰背諸處即瘡七姑生冬間細葉如酸莓
又方	治水毒方 以燒鮫魚皮水調下二錢
欽定四庫全書	普濟方
又方	用常思草搗絞汁三升并以綿裹中指以導下部飲
又方	汁日過三即愈
又方	不能飲以汁傅乳頭與之
又方	取梅葉桃葉搗絞汁三升許以少水解為飲之小兒
治病中水毒方	以小蒜三升呶咀於湯中莫令大熱熱即無力捩去
	滓適寒溫以浴若身體發赤斑文者無異



取蓼搗汁一盞漸飲兼以塗身令周匝立瘥用酒調
又方

取雄牛膝一把水酒共一盞漬絞取汁飲之日三雄
牛膝莖紫白者是雌

又方

用大蓴根搗末飲之并導下部生者用汁夏月行常
多費此藥末入水以一錢投水上流無所畏又辟射
工凡洗浴以少許投水盆中即無復中毒也

欽定四庫全書

普濟方

治水箭有二種一種赤箭發則甚速或在手足肢或如
指或半錢大如真紅色起泡子疼痛不可忍即有線
直衝上肚便能殺人一種白箭生處大小皆不定顏
色赤初發不痛不痒中間微白其赤處如虱咬不治
則便起白泡疼痛不可忍有線一道入腹則殺人但
緩於赤箭者耳大忌抓破風水入內則不治
右用蛇每草一撮帶嫩根及梗連葉五六十片淨洗
爛研入酒隨人所飲多少不得過半碗酒浸半時取



出草滓煖溫此酒服了以前滓入些塩拌於瓦上微炒訖塗患處以帛縛定半日便退大抵須治於未痛之前則易切慎切慎

解酒毒

附論

夫酒者熟穀之液也其性慄悍急疾後食而入先食而出能通關節而走膚腠上古作湯液醪醴為而不用後世嗜之無節或飲過度停積不散蘊滯於胃散流諸脉熏蒸腋臟令人志亂乃至不醒有連日而無所覺知者

欽定四庫全書

普濟方

甚則中毒而為酒疸諸熱之病也酒者大熱有毒氣味俱陽乃無形之物傷之當發汗則愈其次利小便而消其濕則分解之矣今酒客多服大寒大熱之劑下之則無形元氣受傷而有形陰血亦損乖誤甚矣金匱要略云酒疸下之久為黑疸慎不可犯蓋令上下消分其蘊是也○又云凡醉不得安卧不動使人搖轉不住時忌當風席地及水洗飲水交接之事○有人飲酒過多因酒作病胸腕不快其氣捫隔服無數二陳湯竟無寸效



由是不喜飲食復以調氣服之致發大熱自後只用薄
荷煎雞蘓丸麻仁丸日就痊愈乃以胸膈悶隔熱在上
焦使然耳又有人酷好飲酒復感寒邪服不換金正氣
散以致內熱愈熾煩渴且悶汗出如雨身體怯寒續後
以小柴胡湯加枳殼白芍藥解之柴胡黃芩退熱枳殼
寬中芍藥調榮止汗頓然痊愈然則酒家抱病其可妄
以溫藥嘗試一中乎○凡飲酒過多酒毒漬於腸胃流
溢經絡使血脉充滿令人煩亂嘔吐無度乃至累日不

欽定四庫全書

普濟方

醒徃徃有腹背穿者是酒熱毒氣所為故飲酒須搖其
身以消散也○夫酒性有毒人飲之有不醒隨血脉流
散故也人有榮衛否澁痰水停積者因復飲酒不至大
醉大吐故酒與痰相搏不能消散故令腹滿不消也○
夫酒性有毒而復大熱飲之過多故毒熱之氣滲溢經
絡漬臟腑而生諸病也或煩毒壯熱而似傷寒或洒淅
惡寒有同溫瘧或吐痢不安或嘔逆煩悶隨臟氣虛實
而生病焉病症非一故云諸病也



<p>方</p>	<p>沉檀聚香餅子 <small>出德生堂</small> 治消化宿酒辟口氣助脾胃和飲食</p>	<p>香附子 <small>五兩</small> 丁香 <small>二兩</small> 檀香 <small>四兩</small> 三稜 <small>二兩</small> 白茯苓 <small>二兩</small> 甘松</p>	<p><small>二兩</small> 沉香 <small>一兩</small> 白豆蔻仁 <small>二兩</small> 砂仁 <small>二兩</small> 甘草 <small>五兩</small> 木香 <small>一兩</small></p>	<p><small>五錢</small> 葛花 <small>三兩</small> 乾葛 <small>四兩</small> 麝香 <small>三錢</small> 另加南硼砂 <small>一兩</small></p>	<p>右為末熬甘草膏子炒飛羅麪與藥末和成劑捏作</p>	<p>小小餅兒噙化</p>	<p>葛花丸 治醒酒解毒消痰</p>	<p>欽定四庫全書 普濟方</p>	<p>葛花 <small>五錢</small> 砂仁 <small>五錢</small> 木香 <small>一兩</small> 沉香 <small>一分</small> 豆蔻 <small>一分</small> 華澄茄 <small>一分</small></p>	<p>陳皮 <small>去皮一兩</small> 烏梅 <small>十四箇</small> 半夏 <small>二十一枚</small> 湯泡七次汁</p>	<p><small>薑炒</small> 山果 <small>五錢</small> 茯苓 <small>一分</small> 枳實 <small>去穰炒一兩</small> 葛粉末 <small>五錢</small> 甘草</p>	<p><small>灸一分</small></p>	<p>右為末煉蜜為丸如龍眼大每服一丸噙化酒散</p>	<p>葛花解醒湯 治飲酒太過嘔吐痰逆心神煩亂胸膈</p>	<p>否塞手足戰搖飲食減少小便不利 <small>出濟生拔粹</small></p>	<p>白豆蔻仁 <small>五錢</small> 縮砂仁 <small>五錢</small> 葛花 <small>五錢</small> 木香 <small>五分</small> 白朮 <small>二錢</small> 橘</p>
----------	--	--	---	---	-----------------------------	---------------	--------------------	-------------------	---	--	---	---------------------------	----------------------------	------------------------------	--	--



皮 <small>去白一分</small> 青皮 <small>去穰三錢</small> 乾生薑 <small>二錢</small> 白茯苓 <small>一分</small> 澤瀉 <small>一分</small>	二錢猪苓 <small>去皮一分</small> 神麴 <small>炒二錢</small> 人參 <small>一分</small> 五釐	右為極細末秤勻每服三錢以白湯調下但得微汗	酒病去矣此蓋不得已而用蓋藥味辛辣對酒服之	不損元氣敵酒故耳不可頓服恐損天年	沉檀快膈丸 <small>出德生堂</small> 治酒食所傷胸膈痞悶氣逆吐痰	口吐酸水	香附子 <small>一斤</small> 丁香皮 <small>半斤</small> 甘草 <small>一斤</small> 桂枝 <small>一斤</small> 甘松 <small>一斤</small> 莪朮 <small>一斤</small>	欽定四庫全書 普濟方	益智仁 <small>一斤</small> 檀香 <small>一斤</small> 丁香 <small>各四兩</small> 藿香 <small>各四兩</small> 薑黃 <small>各二兩</small> 沉香 <small>各二兩</small>	香 <small>一斤</small> 加山果子 <small>四兩</small>	右為末用砂仁杵碎取仁作母炒豆粉一斤四兩黃色和勻加前藥末為丸如桐子大每服五七丸細嚼	酒水任下無時加數丸亦可	六和湯 治飲酒煩渴	人參 赤茯苓 厚朴 白扁豆 木瓜 半夏	白朮 藿香 砂仁 杏仁 甘草 香薷 <small>等分</small>
---	--	----------------------	----------------------	------------------	---	------	---	---------------	--	--	--	-------------	-----------	---------------------	-------------------------------------



右咬咀用生薑三片棗子一枚水煎服	百杯丸 <small>出濟生 拔粹</small> 崑治酒停腹中膈氣痞滿面色黃黑將	成癖飲食不進日漸肌瘦如飲酒先服此藥百杯不	醉且無痰	橘皮 <small>去白 三兩</small> 木香 廣茂 <small>炮三 錢</small> 乾薑 <small>三 兩</small> 白丁香 <small>五 十</small>	甘草 <small>炙二 錢</small> 茴香 京三稜 <small>炮三 錢</small> 砂仁 <small>三 十</small> 白豆蔻	<small>三十 箇</small> 生薑 <small>一兩去皮切片子 鹽二兩腌一夜焙乾</small>	右為細末煉蜜為丸硃砂為衣每一兩作五丸生薑	欽定四庫全書	普濟方	湯下細嚼無時一方用益智仁二十箇	橙香餅 <small>出御藥 院方</small> 崑治溫脾益胃降氣寬中生津液止煩	消痰並治中酒不散細嚼一二餅用酒下或沉至盃	可增酒味以津化自逼人香	橙皮 白荳蔻 <small>各一 兩</small> 木香 橘紅 白檀 甘松	<small>各五 錢</small> 華澄茄 沉香 <small>各三 錢</small> 龍腦 <small>一 錢</small> 薑黃 <small>四 兩</small>	右十味為細末用甘草膏和作餅子每服二三餅細	細嚼用白湯下
-----------------	---	----------------------	------	--	---	--	----------------------	--------	-----	-----------------	---	----------------------	-------------	--	--	----------------------	--------



人參湯	<small>出三因方</small>	崑治飲酒過多大熱煩躁言語錯謬及房
勞酒入百脉令人恍惚失常		
人參	<small>二兩</small>	芍藥 萸實 枳實
		<small>去穢 炒 茯神 去木 生地黃</small>
甘草	<small>洗 炙</small>	葛根 酸棗仁
		<small>各一兩</small>
右剉如麻豆大每服三錢以水一盞煎至七分去滓		
溫服不拘時候一方無葛根		
百杯丸	<small>出御藥院方</small>	崑治酒不散胸膈滯悶嘔吐酸水心腹
痛並服之		
欽定四庫全書		普濟方
沉香	<small>細切</small>	紅豆 乾葛 陳皮
		<small>去白 甘草 炙 各五錢 丁香 六錢</small>
砂仁	<small>一兩 五錢</small>	白豆蔻 乾生薑
		<small>一兩 搗碎</small>
右丸味為末煉蜜和成劑每兩作二十九丸每服一九		
細嚼生薑湯送下不拘時候		
木香分氣丸	<small>出德生堂</small>	治酒食後胸滿氣痞宜常服之本方
得效		
香附子	<small>一斤</small>	三稜 廣茂
		<small>四兩</small>
丁皮	<small>四兩</small>	甘松
		<small>淨四兩</small>
檀香		
四兩		
甘草	<small>一斤</small>	豆粉
		<small>十兩 炒 薑黃 研 三兩</small>



三 分	乾紫蘇 錢五	陳皮 去白穰焙	高良薑 剉二兩	人參 去蘆	草豆蔻 三分	白朮 錢五	沉香	高良薑散 出聖方 治飲酒後脾虛心胸脹滿不能消化 頭疼心悶	右粗搗為散每服三錢以水一鍾入生薑五釐煎至 八分去滓微服細呷之	錢五 桂心 錢五 甘草 微赤 木香 一分	訶梨勒皮 兩一 草豆蔻 錢五 人參 錢五 桔梗 錢五 乾木瓜	欽定四庫全書 普濟方	訶梨勒散 出聖方 治飲酒後痰滯心膈不利腹脇脹滿 去滓不拘時溫服	右粗搗篩每服三錢以水一盞入生薑一分煎七分	薑 檳榔 陳皮 泡去白焙 各五錢	草豆蔻 去皮二分 丁香 小豆 人參 木香 高良	豆蔻丸 出聖方 治飲酒太過心悶腹滿吐逆喘急 大每服三五丸細嚼酒水任下無時加服	右為細末砂仁四兩杵碎取仁作母水為丸如鷄頭
--------	-----------	------------	------------	----------	-----------	----------	----	---------------------------------------	-----------------------------------	--	--	---------------	--	----------------------	------------------------------	---	---	----------------------



右搗為散每服三錢以水一中盞煎至六分去滓不
拘時溫服

五豆湯 出德生堂 耑能解酒毒止煩渴能發小兒痘疹不出

解發渴之症後成瘡癩者

黑豆 黃豆 菘豆 青豆 赤小豆 各五升 乾葛

一斤 甘草 一斤 貫衆 俱不剉

右用水五斗五升臈八日用大鍋熬至豆熟為度濾
去豆汁頓冷以大磁瓷盛之用苦葉紙重封春夏月

欽定四庫全書

普濟方

開用酒後渴隨意飲之小兒痘瘡不出飲即發見凡
人家不可不於臈月八日留心熬之此藥水浸服之
人參飲 出千金方 耑治飲酒房勞虛受熱積日不食四月中
熬飲酒下以酒入百脉心氣虛令人錯謬失常

人參 芍藥 栝萸根 枳實 知母 各二兩 甘草

一斤 生地黃 八兩 酸棗仁 半斤 茯神 三兩 白微 二兩

右呶咀以水一斗煮取三升分三服一方茯神作茯

苓



益智子散 <small>出聖方</small> 治飲酒過多肚腹脹滿不消心下痞 急妨悶	益智子 <small>去皮</small> 三分 砂仁 <small>去殼</small> 三分 茅根 <small>三分</small> 草豆蔻 <small>去皮</small> 二分 丁香	乾木瓜 <small>三分</small> 陳皮 <small>五分</small> 湯浸 白穰焙	右搗羅粗散每服一錢水一中盞入生薑五釐煎六分去滓微溫呷之	穀神丸 治酒食後胸膈痞悶	木香 <small>五錢</small> 砂仁 <small>二兩</small> 檀香 <small>一兩</small> 甘松 <small>一兩</small> 白豆蔻 <small>二兩</small> 薑黃 <small>片子</small>	欽定四庫全書 普濟方	者五錢 甘草 <small>一兩</small>	右為細末用甘草汁為丸每一兩作十丸細嚼熟水下	全真丸 治男婦酒食過傷胸膈痞悶	黑牽牛頭末 <small>三兩</small> 大黃 <small>五錢</small> 南木香 <small>五錢</small> 陳皮 <small>五錢</small> 甘草 <small>五錢</small>	皂角 <small>一兩</small> 淨去皮弦用 文武火炙黃色	右為細末用米醋打糊為丸如桐子大每服三五丸食後溫湯送下日進三服
---	--	--	-----------------------------	-----------------	---	---------------	-----------------------------	-----------------------	--------------------	--	---	--------------------------------



解酒藥

葛根 薄荷 砂仁 甘草 各五錢 盆硝 二分

右咬咀如麻子大每用少許細嚼解酒立效

草豆蔻散 出聖惠方 治飲酒過度嘔逆不止心腹脹滿

草豆蔻 十枚 高良薑 三分 人參 七兩 白茯苓 二兩

皮 三分 去白穰湯浸焙

右搗為散每服三錢以水一中盞入生薑五釐煎六

分去滓點少塩攪勻服之

欽定四庫全書

普濟方

葛根散 解酒毒

甘草 乾葛花 葛根 砂仁 貫衆 各等分

右為粗末水煎三五錢去滓服

橘皮湯 治飲酒過度酒毒積在腸胃或嘔吐不食湯

水服此

陳皮 去白湯浸炒 葛根 剉 甘草 炙 石膏 打碎各一兩

右粗搗篩每服三錢以水一盞煎至七分去滓溫服

不拘時服之



解酒毒 治飲酒太過	百藥煎 乾葛 枸杞子 烏梅 <small>等分為末</small>	右為細末小粉糊為丸如桐子大溫白湯下二十九	石膏湯 治飲酒過多大醉不醒	石膏 <small>五兩</small> 葛根 <small>剉</small> 生薑 <small>細切各三兩</small>	右剉如麻豆大每服五錢以水二盞煎至一盞去滓	溫服不拘時候	百杯散 治停酒胸膈痞悶飲食不快但是一切酒病	欽定四庫全書 普濟方	宜服之	甘遂 橘皮 <small>去白</small> 葛花 <small>一兩淨</small>	右為細末每服一錢用溫酒卧調服至夜痢下酒病方愈未知再服忌食甘草藥物一二日	治酒病方	葱白 豉 <small>各一升</small>	右以水四升煮取二升頓服	麻仁丸 治連日飲酒咽喉爛舌生瘡
-----------	-----------------------------------	----------------------	---------------	--	----------------------	--------	-----------------------	---------------	-----	---	-------------------------------------	------	-------------------------	-------------	-----------------



治飲酒過度欲至穿腸	取驢蹄硬處削下以水濃煮汁冷飲之襄州散將樂小蠻得此	治飲酒中毒不醒方	用大豆三升以水三升煮取二升去滓每服一盞不拘時候溫服之立吐即愈	治飲酒醉不得安卧必須使人搖動不治恐酒毒腐腸	治飲酒過度欲至穿腸	七日取之飲盡為度	右都盛於瓶中密封瓶口安在猪圈内任猪搖動經	酒 <small>五升</small> 硃砂 <small>五錢</small> <small>細研</small>	治因為酒毒所傷斷酒方	右研勻飯丸如小豆大每服十丸米飲下不拘時	五靈脂 <small>一兩</small> 麝香 <small>少許</small> <small>為末研</small>	五靈脂丸	右為末蜜和丸含之一方用黃蘗二兩	大麻仁 <small>一升</small> 黃芩 <small>二兩</small> <small>作黃蘗後</small>
-----------	--------------------------	----------	--------------------------------	-----------------------	-----------	----------	----------------------	---	------------	---------------------	--	------	-----------------	---



傷胃宜急治之

以生茺根搗取絞汁每服一小盞頻服之

柑皮煎散 治酒毒昏悶煩渴或醉不醒

用柑子皮二兩洗焙乾搗羅為散每服三錢以水一

盞煎三五沸溫服或入鹽少許沸湯點未效再服

治飲酒中毒方

用乾桑椹二合以酒一升浸一時久取酒漸漸飲之

即解

欽定四庫全書

普濟方

治酒醉醒方

用菘菜子不拘多少每研半合以井花水一盞調服

葛花散 治飲酒中毒

用葛花一兩搗為末沸湯點一大錢不拘時候亦可

煎服

葛根湯 治飲酒過不醒

用葛根細剉二兩粗搗篩每服三錢以水一盞煎七

分去滓服不拘時候一方葛根汁一斗二升取醒止



治飲酒後襲人方

用乾蔓青根不拘多少蒸三次切焙乾為散每服二錢以飲酒後用新汲水調下一方煮汁內雞子清三枚

治飲酒頭痛方

用竹茹五兩以水八升煮取五升去滓令冷內破雞

子清五枚攪勻更煮二沸飲二升盡瘥

治飲酒腹滿不消方

方見本門
鮮酒類

治酒毒下血方

欽定四庫全書

普濟方

用百藥煎二兩一兩燒存性一兩炒香為細末每服

三錢陳米飲調下

解酒毒開胃口方

取菘根雜鯽魚為羹服之

治消毒明目散氣滿不能食

取赤小豆花煮服之又下水氣大治飲酒不醉

治飲酒大醉恐爛腸方

出千
金方

作湯煮大器中漬之復易之酒自消夏月用之佳



治飲酒大醉中毒方 <small>出聖 惠方</small>	用枳椇子樹枝二兩剉每服一兩以水一大盞煎五分去滓溫服
又方 <small>出聖 惠方</small>	搗生葛根汁及葛藤和絞汁飲之乾葛乾蒲亦佳
又方	右用白粳米一升水五升煮使極爛濾去滓放冷飲之
治飲酒積熱遂發黃方 <small>出肘 後方</small>	欽定四庫全書 普濟方
取雞子七枚苦酒漬之器中密封內井底一宿當軟	
取吞二三枚漸至盡驗	
栝萋湯 治飲酒發渴又欲飲酒	
栝萋根 <small>三錢</small> 麥門冬 <small>去心焙 一兩</small> 葛根 <small>二兩</small> 桑根白皮 <small>三兩 細切</small>	
右粗搗篩每服三錢以水一盞煎至七分去滓溫服	
之不拘時候	
治飲酒連日醉不醒 <small>出聖 惠方</small>	
用蕪青菜并小米熟煮去滓冷內雞子三枚調勻飲	



之二三升無雞子則單飲

又方 出聖
惠方

取水中螺螄及螺蚌等著葱椒薑豉煮如常法飲數
升即解又煮葱豉取二升飲之瘥止又煮粳米一升
水五升煮爛去滓飲之

加味敗毒散 出上海
上方 治酒過度面黑肚飽

人參敗毒散 一貼
斑猫一個
枇杷葉十片

右後二味同炒黃色去斑猫將枇杷葉入敗毒散水

欽定四庫全書

普濟方

一碗煎至七分臨睡通服

蘆根湯 若已服安和藥仍不退者此小觸動服葱豉

等湯不解者可服

蘆根 地榆 五加皮 各一握

右切以水三升煎取二升服之即解

專治吐酒 出傳信
適用方

用桑樹上木耳以新瓦焙乾為末糯米飲調服之

枳朮黃連丸 治酒太過眼熱口瘡去痰



右細切研水濾取汁作粉每服三錢米飲調下	瓜萋根 <small>不拘多少水 浸三日淘洗</small>	瓜萋粉 <small>出本</small> 常解酒毒	而不病人胡麻亦煞酒先食塩一撮後則飲酒亦倍	葛根飲枇杷葉飲并以雞子煮乾蒲麻子服使欲便	用葛花并小豆花末子為散服二三服即不醉又用	欲便難醉醉則不損人方	右用上好菘菜二斤煮作羹啜之作齏菹亦得	欽定四庫全書 普濟方	解酒渴	解丹毒 酒後煩熱 <small>方見本門 解諸毒類</small>	以蛤蜊煮食之	解酒毒目黃者 <small>出本</small>	溫水送下	右各等分為末糊為丸桐子大每服六七十丸臨睡	枳實 半夏 白朮 白茯苓 桑皮 黃連	南星 陳皮 青皮 黃芩 <small>用半</small> 大黃 <small>用半</small>
--------------------	---------------------------------------	-------------------------------	----------------------	----------------------	----------------------	------------	--------------------	-------------------	-----	--	--------	-----------------------------	------	----------------------	--------------------	--



草節散 <small>草 出本</small>	赤馬糞中草節 <small>不拘多少 畧洗合乾</small>	右為細末每服二錢米飲調下	薺汁丸 <small>草 出本</small> 嵩治酒食所傷并噉	杏仁 <small>七箇 皮一枚去</small> 巴豆 <small>一枚去</small> 硃砂 <small>少許 飛淨</small>	右件一處研成膏丸如黃米大每服三五丸淡薺湯 汁下臨卧服小兒一丸如酒積溫酒下	治酒毒 食柑子而瘰即袖也口噉雞舌香即丁子香	欽定四庫全書 普濟方	沈香亦可祛口中如膠而臭 <small>草 出本</small>	知母 地骨皮 桑白皮 山梔子 麥門冬	甘草 <small>各等分</small>	右藥煎湯入塩噉早起汲井水第一汲水即黃花水 含之吐棄厠下即瘥	酒毒肺熱咳紅四黃湯丸 <small>草 出本</small>	宣連 大黃 山梔子 黃芩	右件略為末蜜丸冷噉
----------------------------	--	--------------	--	--	---	-----------------------	---------------	------------------------------------	--------------------	--------------------------	----------------------------------	-----------------------------------	--------------	-----------



<p>麝香丸 <small>出本</small> 草 治飲酒消多及傷瓜果虛熱在脾飲水</p>	<p>多狀似瘡渴大抵消中之疾往往脾氣衰元氣耗散</p>	<p>土不制水故水溢不收冷脾有熱而元氣不衰者非</p>	<p>消渴此藥主之</p>	<p>麝香 <small>當門子</small></p>	<p>右件研細以好酒濡之為丸如菘豆大每服一十九 煎枳椇子湯送下明日再服以不渴為度枳椇子亦 謂之癩漢指頭蓋取其似也小兒喜食之食前服</p>	<p>欽定四庫全書 普濟方</p>	<p>大酒不可安卧 <small>出本</small> 草</p>	<p>常令搖動轉側又當風席地及水洗飲水最忌交接 房事</p>	<p>天南星丸 <small>出本</small> 草 能去痰治酒積化酒毒</p>	<p>南星 <small>一斤端</small> 正者</p>	<p>右於平地上掘一窟濶五寸深一尺五寸仍略搗窟 中次用剛灰於窟內簇起燒過大半除火去灰合淨 以煮酒一斗澆之將南星於其中覆以瓦盆用元土</p>
--	-----------------------------	-----------------------------	---------------	------------------------------	--	-----------------------	---------------------------------------	------------------------------------	---	-------------------------------------	---



<p>泥封固盆縫勿令透氣一宿早取出用酒水各二升和洗切作片焙乾研末入飛過辰砂一兩薑汁糊為丸如桐子大又以硃砂為衣每服五十丸至百丸生薑湯下不拘時</p>
<p>治噦氣嘔逆 <small>出本 草</small></p>
<p>用糟籩中酒以小兒乳和少牛乳飲之亦可單服少許</p>
<p>解酒毒 <small>出本 草</small></p>
<p>欽定四庫全書 普濟方</p>
<p>取塩麩子乾搗為末食之</p>
<p>消酒毒 <small>出本 草</small></p>
<p>取葛根蒸食之其粉甚妙一方搗汁飲三升即醒治嗜酒不已 <small>出本 草</small></p>
<p>以山蛭虫一節燒為灰水下服之訖便不喜聞酒過一節則毒人至死</p>
<p>解酒毒目黃 <small>出本 草</small></p>
<p>以蜆肉浸取汁服一方煮食之 <small>蜆子肉湖邊溪澗皆有之</small></p>



治醒酒止渴除痰唾去酒毒 <small>出本草方見本門 酒毒四黃湯丸</small>	治斷酒方 <small>出千金方</small>	柳花 臘月鼠頭灰	右等分為末黃昏時酒服一盃一方水調三錢	治嗜酒方	以蘊藁耳子七枚燒作灰投酒中飲之勿令人知知則不效	治酒苦唾	欽定四庫全書 普濟方	用萎蕤葉為散服之愈 昔晉嵇紹有胸中寒痰每酒後唾服之得愈	飲酒不醉方 治飲酒不醉以後四味	白扁豆 <small>二十粒</small> 乾葛 益智 縮砂仁 <small>各等分</small>	右為末酒水各一碗熬成膏蒸餅為丸如桐子大吃	酒時酒送下二丸	益脾丸 <small>出御藥院方</small> 嵩治飲酒不醉又益脾胃	葛花 <small>二兩</small> 小豆花 <small>二兩</small> 菘豆花 <small>二兩</small> 木香 <small>一分</small>
--	-----------------------------	----------	--------------------	------	-------------------------	------	---------------	-----------------------------	-----------------	---	----------------------	---------	-------------------------------------	---



五月五日取井中倒生草枝陰乾為末酒服之二錢	又方 <small>出千 金方</small>	六月六日取小豆花葉陰乾百日為末服之	又方	取九月九日菊花為末臨飲服方寸亦治酒醉不醒	又方 <small>出千 金方</small>	乾蒲煎服亦佳	並能倍酒又搗生葛根汁及葛藤餅和絞汁飲之又	欽定四庫全書 普濟方	右為末服三方寸臨飲時仍進葛根汁及枇杷葉飲	葛花 小豆花 <small>各等 分</small>	又方 <small>出千 金方</small>	右治飲前為一服進酒三倍	柏子仁 麻子仁 <small>各二 兩</small>	治飲酒令人不醉方 <small>出千 金方</small>	夜飲津液下五丸不醉大妙	右為細末白蜜為丸如桐子大煎紅花湯下十九或
----------------------	-----------------------------	-------------------	----	----------------------	-----------------------------	--------	----------------------	---------------	----------------------	--------------------------------	-----------------------------	-------------	---------------------------------	-----------------------------------	-------------	----------------------



<p>治飲酒令無酒氣方 <small>出千金方</small></p>	<p>右用乾蔓青根三七枚三遍蒸為末二錢許酒後水服之神驗</p>	<p>遇仙方</p>	<p>詩曰丁香沉檀麝一錢更兼香附五分先飲時少許投壺內席上春風正遇仙</p>	<p>惡酒 <small>附論</small></p>	<p>夫酒者水穀之精也其氣慄悍而有毒入腸胃則腸氣逆上滿於腦內薰於肝膽故令肝浮膽橫而狂悖變怒失其常性故云惡酒也</p>	<p>方</p>	<p>酒惡方</p>	<p>取鷹屎灰酒服方寸效勿使飲人知</p>	<p>治惡酒健嗔方</p>	<p>用空井倒生草燒灰水調飲之勿令人知亦治飲酒不醉</p>
-------------------------------------	---------------------------------	------------	---------------------------------------	-----------------------------	--	----------	------------	-----------------------	---------------	-------------------------------



又方	取其人牀上塵和酒飲之
酒病方	用豉葱白各半斤水二升煮取一升頓服
散酒氣	以二月林擒實生食之
又方	正月一日酒五升淋碓頭搗七下取飲之
欽定四庫全書	普濟方
又方	用故氈中藁耳子七枚燒灰黃昏時服一盃呪曰與病人狂人飲也勿令知之後不喜飲酒也
又方	用白猪乳汁一升飲之永不飲酒
又方	刮馬汗和酒與飲終身不飲



又方	取虎屎中骨燒末和酒與飲
又方	取鷓鴣屎燒灰水服方寸其效如神
又方	取鷹毛用水煮去毛頓服
又方	以故車絃燒灰和酒與服
又方	取驢駒衣燒灰酒飲方寸妙
又方	以自死蟻螞乾搗末和酒與飲即嘔神驗
又方	用酒客吐中肉七枚陰乾燒末服之
又方	用酒漬汗靴替一宿平旦空腹與飲即吐不喜見酒

欽定四庫全書

普濟方



用白狗乳汁酒服之	又方	用臙月馬腦和酒服之	治惡酒嗔怒不醒方	用雞子清二枚生吞下	又方	用甘蔗搗取汁每服一小盞	酒病方	欽定四庫全書	普濟方	用赤小豆煮汁熱飲即愈	解酒毒	以牛肝和腹內百葉生薑醋食之	解酒熱面赤者	以冬霜作團飲之	酒後暴熱	以臘雪小溫飲之	普濟方卷二百五十三
----------	----	-----------	----------	-----------	----	-------------	-----	--------	-----	------------	-----	---------------	--------	---------	------	---------	-----------

